



Broj: 01-04-8-1185/24-4  
Datum: 25.10.2024. godine

Na osnovu člana 69. stav 2. tačka a), člana 70. stav 40. Zakona o javnim nabavkama BiH („Službeni glasnik BiH“, broj 39/14, 59/22 i 50/24), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1185/24-3 od 25.10.2024. godine, načelnik Općine Travnik, **d o n o s i**

## **R J E Š E N J E** **o poništenju dijela postupka nabavke**

- (1) Poništava se postupak nabavke broj 01-04-8-1185/24 za nabavku radova: – „Izvođenje radova na sanaciji i rekonstrukciji lokalnih puteva na području općine Travnik“ za sljedeće lotove:
  - LOT 3 - MZ Kalibunar, u skladu sa članom 69. stav (2) tačka d) Zakona, te lotovi: LOT 6 – MZ Pirota, LOT 9 – MZ Centar, LOT 10 – MZ Ilovača, LOT 12 – MZ Vitovlje, LOT 13 – MZ Stari Grad, LOT 15 – MZ Stari Grad, LOT 20 – MZ Stari Grad 1, u skladu sa članom 69. stav (2) tačka a) Zakona.
- (2) Za izvršenje ovog Rješenja zadužuje se Služba za infrastrukturne projekte, obnovu, izbjeglice, raseljena lica i stambene poslove.
- (3) Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

## **O b r a z l o ž e n j e**

Postupak javne nabavke radova: „Izvođenje radova na sanaciji i rekonstrukciji lokalnih puteva na području općine Travnik“ sa podjelom na 21 lot, pokrenut je Rješenjem o pokretanju postupka javne nabavke broj: 01-04-8-1185/24 od 25.9.2024. godine. Javna nabavka provedena je putem otvorenog postupka. Procijenjena vrijednost nabavke bez uračunatog PDV-a iznosi 250.403,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-157-3-169/24 od 26.9.2024. godine i u „Službenom glasniku BiH“ broj 65/24. Rok za dostavljanje ponuda u skladu sa tenderskom dokumentacijom bio je 18.10.2024. godine.

Komisija za javnu nabavku imenovana je Rješenjem broj: 01-30-10-747/24 od 19.6.2024. godine te je shodno Članu 63. Zakona o javnim nabavkama BiH pristupila javnom otvaranju ponuda.

Komisija za nabavke Općine Travnik dostavila je dana 25.10.2024. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije sa preporukom o poništenju postupka nabavke u kojem je konstatovano da za nabavku radova iz lota 3 – MZ Kalibunar nije pristigla ni jedna prihvatljiva ponuda, a za lotove: LOT 6 – MZ Pirota, LOT 9 – MZ Centar, LOT 10 – MZ Ilovača, LOT 12 – MZ Vitovlje, LOT 13 – MZ Stari Grad, LOT 15 – MZ Stari Grad, LOT 20 – MZ Stari Grad 1, nije pristigla nijedna ponuda u određenom krajnjem roku.

U postupku ocjene provednog postupka, načelnik Općine nije našao razloge, nepravilnosti niti propuste u radu, koji bi bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. stav (2) tačka a) i tačka d) Zakona o javnim nabavkama BiH, odlučeno kao u dispozitivu ovog Rješenja.

**POUKA O PRAVNOM LIJEKU:**

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur.

DOSTAVITI:

1. Internet stranica UO
2. Arhiva



**N A Č E L N I K**

**dr.sci. Kenan Dautović**